



Parlamentosko velkibi 2015

Parlamentosko velkibi

Parlamentosko velkibi rikkavena sakko startto bereh. Aro velkibi velkavena aro parlamentos 200 folkengo naalunen te hluutaven amengo tsetane saakenna. Berehhesko 2015 parlamentosko velkibi stellavena aro kurko diives 19.4.2015.

Parlamentosko tseerikbi

Finitiko themmesko botnosko laagako paalal volla hunjuvela folkenge aro Finitiko them. Folki velkavena parlamentos te hluutavel saakenna.

Parlamentosko koni fuortunide tseeriba hin te tseeren laagi, saavengo botnosta tsetano thaan tseerela saaki.

Parlamentosko vauro fuortuno tseeriba hin te hluutavel themmesko budjettosta. Aro budjettos bihavena, katta them lela louvo ta so tseerena louveha. Parlamentosko tseeriba hin nii te vaakavel themmesko huusholibosko omsorgiba.

Parlamentos velkavela themmesko fallibosko heereno ministerios ta vaakavela fallibosko tseeribi. Parlamentos hluutavela niina, savo džitata Finitiko them hin buut Europako Unionisko saakenna.

Koon lela te lyijavel?

Aro parlamentosko velkibi vojuvela te lyijavel sakko Finitiko themmeskiiro, koon hin pherdadas 18 bereh koni sientide aro velkibosko diives 19.4.2015.

Om tuut hin lyijibosko horttiba aro parlamentosko velkibi, tu leha dotta aro postos oppenbaaribosko pelehkos. Douva hikkavena aro maasosko tsoon.

Aro oppenbaaribosko pelehkos hin tukko nau, velkibosko diives ta naaluno vastesko lyijibosko diives ta džaaniba tukko lyijibosko stedosta aro velkibosko diives. Oppenbaaribosko pelehkoha tu leha nii listas naaluno vastesko lyijibosko stedenna tukko tseeresko neer ta vauro fuortuno džaaniba velkibonna.

Koones vojuvela te lyijavel?

Tu vojuvela te lyijaves komunis, koon hin alsimen aro parlamentosko velkibi aro tukko iego velkibosko thaan.

Finitiko them hin dielade aro 13 velkibosko thaan. Aro velkibosko thaan hin iega alsimen.

Tukko velkibosko thaan hin aro oppenbaaribosko peleħkos.

Džaaniba alsimenna tu leha naaluno merknosko patrenna, dikkibosko moħtesta elle internetosta adressosta www.vaalit.fi.

Sakko alsimen hin pesko iego alsimesko numros. Tukko iego velkibosko thaanesko alsimengo numri tu laħħeha naaluno merknosko lyijibosko stedenna. Numri hin vaanligas nii aro alsimengo velkibosko ħunibi.

Velkibosko tšorjilba

Sakkoiek ħluutavela kokares, kammelako jou/joi te lyijavel. Sakkoiek ħluutavela kokares nii dotta, koones jou/joi kammela te lyijavel. Lyijibosko horttiboske ħunjuvela velkibosko tšorjilba. Douva starkavela, at tu na hyövuvela te phukavel tšekkeske, koones alsimes ty lyijaveha.

Kaana vojuvela te lyijavel?

Tu vojuvela te lyijaves aro parlamentos velkibi aro velkibosko diives elle doolesko naal aro naaluno vastesko lyijiba.

Lyijiba aro velkibosko diives

Velkibosko diives in kurko diives 19.4.2015. Aro velkibosko diives lyijibosko stedi hin phirro kamana 9–20. Tu vojuvela te lyijaves innasto aro douva lyijibosko stedos, so hin aro tukko oppenbaaribosko peleħkos.

Naaluno vastesko lyijiba

Om tu na vojuvela elle na kammeha te lyijaves aro velkibosko diives, tu vojuvela te lyijaves aro naaluno vast. Tu vojuvela te lyijaves aro sobi naaluno vastesko lyijibosko stedos aro Finitiko them elle varothem. Naaluno vastesko lyijiba byrjuvela 8.4.2015 ta agurvela 14.4.2015. Dik dženom naaluno vastesko lyijibosko stedosko phirro aaħħibosko tiiji listosta, so tu leha oppenbaaribosko peleħkoha, elle internetosta adressosta www.vaalit.fi

Koonesta lela jelpiba?

Velkibosko tšenstakiire ta jelpiboskiire jelpavena ta sikjavena tuut aro saare saaki. Om tu hyövuvaha jelpiba ka tu lyijaveha, tu vojuvela te baħħes velkibosko jelpiboskiires tukko jelpiboske aro lyijibosko skoppis. Velkibosko jelpiboskiiro vojuvela nii te aaħħel komunis, koones tu sal kokares velkadal. Velkibosko jelpiboskiiro na lela te phukavel tšekkeske, koones tu lyijadal.

Tšeeresko lyijiba

Om tu sal svoort fielakiiro elle langħto tiijako dukado, tu vojuvela te lyijaves aro naaluno vast tšeere. Phen dotta baħbossa elle blankettoha tukko phuuja maħkurno velkibosko skokkake

sigide sar 7.4.2015 kamana 16. Skokkako bañibosko numros tu laññheha oppenbaaribosko peleñkosta. Nii naartako omsorgiboskiro vojuvela te oppenbaaravel pes aro tšeeresko lyijiba. Aro dukadengo huusi ta laagibi vojuvela te lyijavel aro naaluno vast, om les/la omsorgavena doi.

Lyijibosko naal

Le skokka aro lyijiba komunesko tšeekibosko papros, naaluno merknoske passos, komunesko tšeeknibosko peleñkos, traadibosko peleñkos elle vauro it ñlaagako tšenstavitiko saakako liin, kai hin tukko faraba. Aro lyijibosko stedos tuut ventavela velkibosko tšenstakiiro.

Jou/joi dikkela vaagunes dženom, koon tu sal tukko komunesko tšeeknibosko paprosta ta dela tukke lyijibosko peleñkos.

Jakkes tu lyijaveha aro velkibosko diives

1. Dža te pherdaves lyijibosko peleñkos aro lyijibosko skoppis. Ran aro lyijibosko peleñkos klaares douva alsimesko numros, koones tu lyijaveha. Tu leha te lyijaves innasto iek alsimes. Om tu na minsaveha numros, dik dženom numros listosta lyijibosko skoppisko vantata. Ma ran aro lyijibosko peleñkos tši vauro sar alsimesko numros.
2. Bansa lyijibosko peleñkos mañkarta jakkes, at naa tšek na vojuvela te dikkel numros. Aro peleñkos hin merknade stedos, katta douva bansavena.
3. Dža paale velkibosko tšenstakiiresko neer. Velkibosko tšenstakiire stämplavela bansimen lyijibosko peleñkos.
4. Peerja bansimen lyijibosko peleñkos aro velkibosko skuurna.

Jakkes tu lyijaveha aro naaluno vast

1. Dža te pherdaves lyijibosko peleñkos aro lyijibosko skoppis. Ran aro lyijibosko peleñkos klaares douva alsimesko numros, koones tu lyijaveha. Tu leha te lyijaves innasto iek alsimes. Om tu na minsaveha numros, dik douva dženom tukko iego velkibosko thaanekso alsimengo listosta, so vojuvela te dikken aro naaluno vastesko lyijibosko stedos. Ma ran aro lyijibosko peleñkos tši vauro sar alsimesko numros.
2. Bansa lyijibosko peleñkos mañkarta jakkes, at naa tšek na vojuvela te dikkel numros. Aro peleñkos hin merknade stedos, katta douva bansavena.
3. Ka tu sal pherdadal lyijibosko peleñkos, dža paale velkibosko tšenstakiiresko neer. Velkibosko tšenstakiire stämplavela bansimen lyijibosko peleñkos ta dela tukke bruuno velkibosko skoora. Tšu lyijibosko peleñkos aro skoora ta liima skoora phallo.
4. Doolesko velkibosko tšenstakiiro baññhela tuut te rannes teelal blankettos. Jakkes at tu ranneha douva teelal, tu vakutaveha, at tu sal pherdadas lyijibosko peleñkos kokares, tšenstakiiro hin stämpladas douva ta tu sal kokares tšundas lyijibosko peleñkos aro skoora.
5. Aro ñluutiba velkibosko tšenstakiiro tšuuvela phallo velkibosko skoora ta tukko teelal rannimen blankettos aro dželto biñibosko skoora ta ñikkavela douva aro mañkurno velkibosko skokka.

Jakkes tu sal lyijadal ta tu vojuveha te džas nikki lyijibosko stedosta.

Brosyyros hin aro internetos aro adressi www.vaalit.fi ta www.papunet.net/selko
Horttibosko ministeriumos/ Oikeusministeriö
Klaar tšimbako mañkurno stedos/ Selkokeskus